

БӨЛІМ: БАЛАБАҚША

Ғарыш әлемі

ЖАРИЯЛАНДЫ
23.10.2017СІЛТЕМЕ
<https://bilimger.kz/18625/>

АННОТАЦИЯ / АҢДАТПА

Масимгазиева Айкен Баймолдаевна

Білім беру саласы: Коммуникация

Оқу іс- әрекеті: Тіл дамыту.

Тақырыбы: Ғарыш әлемі.

Мақсаты : Балаларға ғарыш, ғарыштық ұшулар, Байқоңыр ғарыш айлағы туралы түсінік беру, Қазақстанның тұңғыш ғарышкері Тоқтар Әубәкіров туралы түсінік бере отырып, балалардың ғарыш әлеміне қызығушылығын арттыру. Балалардың байланыстырып сөйлеуін, көркемдік талғамын, шығармашылық қабілетін арттыру.

Әдіс-тәсілдері: сұрақ – жауап, түсіндіру, баяндау.

Қажетті көрнекі құралдар: зымыранның, иттердің суреті, Ю.А.Гагарин, В.Терешкова, Т. Әубәкіров, Т. Мұсабаевтың суреттері, сөзжұмбақ, жұлдызшалар.

Оқу іс – әрекетінің барысы: Шаттық шеңбері.

Мынау менің жүрегім,

Бәрі осыдан басталған.

Мынау – басым ақылды,

Бәрін осы басқарған.

Мынау менің -оң қолым,

Мынау менің – сол қолым,

Барлық істі атқарған.

Балалар , қазір жылдың қай мезгілі?

- Қазір жылдың көктем мезгілі?
- Көктем мезгінде қандай өзгерістер болуда?
- Күн жылынады, жерге көк шөп шықты, ағаштар бүршік жара бастады,

біз жеңіл киім киіне бастадық.

- Аптаның қай күні?
- Аптаның бесінші күні,жұма күні.
- Сәуір айының 10 жұлдызы.

Зымыраным оқтай ұш,

Айға біраз тоқтай ұш,

Апар мені ғарышқа – дей отырып бүгінгі оқу іс- әрекеті тіл дамытудан

« Ғарыш әлемі » тақырыбын өтеміз.Алдымызда 12- сәуір Ғарышкерлер күні болып саналады.

- Қане , барлығымыз тақтадағы суретке назар аудара отырып, аспан әлеміне саяхат жасаймыз. Өзіміз аспанда ұшып жүргендей болайық.
- Аспанда нелер бар?
- Жұлдыздар , ай, күн.
- Күн не үшін керек?
- Күн жылу береді, жарық береді.
- Ай не үшін керек?
- Түнде жарық береді.
- Ғарышкер деп кімді айтамыз?
- Осы жұлдыздарды, ай мен күнді зерттеу үшін ғарышқа ғарышкерлер

ұшады. Әлемдегі тұңғыш ғарышкер Ю. Гагарин 1961 жылы 12 сәірде

« Восток » ғарыш кемесімен , Жер шарын 1 рет айналып шықты. Содан бері 12 – сәуір Ғарышкерлер күні мерекесі болып есептеліп

келеді. Қазіргі таңда әлемде 17 ірі ғарыш айлақтары бар, соның бірі-

Байқоңыр ең үлкен ғарыш айлағы. Ең алғаш иттерді ұшырып тәжірибе

жасаған, Лайка және Белка. Осы иттер аман- сау оралған соң, алғаш рет

адам ұшты.

Ал мына суретте- біздің елімізден тұңғыш ғарышқа ұшқан Тоқтар Әубәкіров ағаларың. Ол ғарышта 7 күн, 22 сағат, 13 минут болды.

Ал мына суретте- Талғат Мұсабаев ағаларың. Ол ғарышқа Зреть ұшқан, ашық космосқа шығудан немесе орбитада көп болудан рекорд

жасаған. Зымырандар Қазақстанда Байқоңыр қаласынан ұшырылады.

Байқоңыр туралы кім тақпақ біледі?

Расул: Ғарышжай Байқоңыр,

Қаннаттылар мекені.

Қазақ жері Байқоңыр,

Қай жер саған жетеді?

Нұрғазы: Ғажап жерім Байқоңыр ,

Тұңғықты ғарышты.

Тұнып тұрған алысты,

Орындалып арманы

Ғарышкерлер шарлады.

Нұркелді : Көкке ұшамын, ұшқыш болар баламын,

Соңына ерем, ер ғарышкер ағаның.

Батыр болам , көк аспанды сүйемін,

Жұлдыздарға барып келіп жүремін.

- Ғарышкерлер туралы кім тақпақ біледі?

Ақниет : Тоқтар ағам-жан ағам,

Бұрыннан да ер еді.

Менің батыр ағадан,

Аумай қалғым келеді.

Ақбота: Тоқтамайды осы аңыз,

Біз жолыңды тосамыз.

Тоқтар- аға ерлікті,

Күнде өлеңге қосамыз.

Ал енді балалар ойын ойнаймыз. Ойын « түрлі түсті жұлдыздар » деп аталады.

- Балалар , мынау не? (жұлдыздарды көрсетемін).
- Барлығының түсі бірдей ме?
- Жоқ , әртүрлі. Әуен ойналады, балалар түстеріне қарай жұлдыздарды

жинақтайды.(Музыка басталып, балалар жұлдыздарды бір-бірден жи-най бастайды. Музыка тоқтағанда жинауын тоқтатады. Ең көп жұлдыздар жинаған баланы мадақтаймын.)

Нүктелеу арқылы зымыранның, айдың суретін салу.

Қорытынды. « Сөзжұмбақ шешу. Ғарыш сөзі шығады »

Бүгін біз не туралы үйрендік?

Ғарышкер деп кімді айтамыз ?

Кімдерді білеміз ?

Балалар: Қол ұстасып тұрайық,

Жарты шеңбер құрайық.

Көріскенше күн жақсы,

Сау саламат болайық !

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.